

行
行
草

3
行行草

仙谿王壽榭伯秀著

吳雲笙七十壽

丙寅正月

繡衣甫著便抽身歸作壺蘭舊主人初寫黃庭鴉不
換猶傳赤縣雉能馴菊松無恙陶公宅風月相邀庾
子鄰中隱何如偕隱樂稀齡更祝八千春

丙寅

所見所聞

正月廿二

野草埋根淺當春易發生鴉鋤新試手不見綠縱橫
鬼倚城垣嘯朝來論死囚冥冥誰宰是戾氣豈相求
水過西閤赤山依北郭青一番春雨洗猶帶十年腥
抽刀斬亂絲勇決又何疑難得亞夫將棘門等小兒
鹽鐵官山海民貧國亦貧地膏流不盡那覓武陵春

阿芙蓉歎

蘇子瞻荔支歎云顛坑仆谷相枕藉知是荔
支龍眼來又云至今欲食林甫肉無人舉觴
酌伯游讀之令人酸鼻今阿芙蓉之禍甚於
荔支不揣固拙詩以記之

美人傾人國名花傾人家不是忘憂草翻成革命花

晚秋催下種當春發奇葩引泉溉苗根厥土宜泥沙
千頃白如雪一二間紅霞風吹花鬚落綠珠着髻斜
金篦取膏汁麻姑玉介爬疑是明姬淚朝朝濕絳紗
顧茲令人醉銷金俗尚奢島夷初互市充貢來貿茶
移栽編內地科稅逐年加農夫已無麥朽腹空興嗟
罔民漁厚利吏卒擁道遮傷哉此禍水何處有津涯

溪城即景

岸側倒孤松
花園野屋濃
溪船街尾進
水碓並頭舂
感時 三月十二

強擠煙戶作逃兵
鞭撻肌膚拂物情
何處長官能解事
釋之廷尉最持平

義憤填胸可奈何
南山飛鳥怕張羅
誰將一網天邊

打截斷馬江旅雁過

新彩往省煙稅承辦
疑其上控先發制之

紙山經過

四郊多壘飾昇平唱雉呼盧又滿城通告一章黏粉

壁前番例禁未分明

仙謠 六月

武

武定

馬

馬安邦

身齋粉

崔

崔成龍

殘狄

狄世美

又亡甬東

餘一塊誰許讓吳王

憫仙

八月十三

一路哭聲聲入雲一家哭聲人不聞
非閑哭多與哭少祇為同哭獨哭分
仙谿喪亂經十載此休彼起何紛紛
狗偷鼠竊諸年少黃巾裏頭張吾軍
雄狐一旦先折首中道無依悲失羣
請公入甕悔已晚座客階

因今何云鐵窗風月不忍看瓜蔓抄來及釵裙天公
報應真不爽往復如觀掌上紋

賀陳養九

雙鳳齊飛迅朝陽藹吉多治經推量相析律邁蕭何
基漢三章大均民五教和敬恭桑興梓洗甲挽天河

感時

九萬加三加一收豺狼未靖困誅求白頭野老都無
語祇有黃巾可自由

西風

九月十三

西風催殺氣枯草懾霜威片月城樓掛將軍獵未歸
三更傳令箭飛騎出西城搏兔雖全力市廛夜不驚
寄溫希仲張雨亭二君

聞君菊圃並頭開，舊雨閑懷悵不來。
寄語霜中須愛惜，陶家栽後幾家栽。

猛虎

十月十九

猛虎長蛇朝夕驚，彫傷民志不成城。
無依烏鵲三更月，一道相隨夜遁兵。

山城日落不聞笳，吹折旄頭風捲沙。
幾度壺漿迎道

左何曾遺愛到人家

短草

周圍臨去殺十人

短草伏寒蟲終宵緊北風模糊殘月白忍見血痕紅

驚馬

人員前押者令當挑夫

兩寅

和

駑馬駕戎車敢辭鞭策加飢鳴雙淚落閑塞夕陽斜

杜老

杜老夔州客興長獨拈詩筆紀中唐蜀山輕重看嚴

武却讓浣花一草堂

倒李

倒李驅王歲五周雞蟲得失付東流馬江風浪今尤

急且看殘棋一局收

庭花

柳散不勝風左右竹疏每與石支撐
庭花開落無心數厭聽終宵淅瀝聲

羣豕

羣豕負塗鬼載車休論張耳怨陳餘
杯羹欲拜項王

賜大俎當年屬子虛

仙城

仙城增拓鄭東園名並元通金石尊

金石山以詎料
元通得名

山存城獨毀行人軒輊兩家孫

傳某力
主毀城

小邑

十二月二十

小邑勢傾頽危途多蔓刺聞渠舌尚存令我心猶悸

鷲鳥拂天空遇風推勁翅游行澗底魚早謝漁人餌

冬雷

廿三

豈是冬雷發聲驚百里同國人皆欲殺屠伯竟居功

閔海潛移檄胥江誤轉蓬崇朝除二豎泡電眼中空

雜感

日上三竿白天遲一線青寒威猶起粟小立故亭亭

少年學製錦衆穉共彈冠
新婦貧更拙卑官巧亦難
背負何時息乘車亦足榮
那知人側目性命一毛輕
蘇季西入秦敝裘不蔽身
歸來連六國詭計有傳人
朔風捲地疾飢鼠連晝出
各為稻粱謀穴穹多未室